

Забидий / ВАҲИЙНИНГ БОШЛАНИШИ КИТОБИ / 973-ҳадис

973/2077 – عَنْ حُدَيْفَةَ رَضِيَ اللَّهُ عَنْهُ، قَالَ: قَالَ النَّبِيُّ صَلَّى اللَّهُ عَلَيْهِ وَسَلَّمَ: «تَلَقَّتِ الْمَلَائِكَةُ رُوحَ رَجُلٍ مِمَّنْ كَانَ قَبْلَكُمْ، قَالُوا: أَعْمَلْتَ مِنَ الْخَيْرِ شَيْئًا؟ قَالَ: كُنْتُ أَمُرُ فِتْيَانِي أَنْ يُنْظَرُوا وَيَتَجَاوَزُوا عَنِ الْمُوسِرِ، قَالَ: قَالَ فَتَجَاوَزُوا عَنْهُ».

973.2077. Мансур шундай сўзлаб берди:

«Бизга Рибъий ибн Ҳирош сўзлаб берди: «Ҳузайфа розияллоҳу анҳу унга шундай сўзлаб берибди: «Набий соллаллоҳу алайҳи васаллам дедилар: **«Фаришталар сизлардан олдин ўтганлардан бир кишининг руҳини қарши олиб: «Бирон яхши амал қилганмисан?» дейишди. У: «Хизматкорларимга (камбағалга) муҳлат беришни ва бойга енгиллик беришни буюрар эдим», деди. Шунда (Аллоҳ) айтди: «Уни(нг гуноҳларини) кечиб юборинглар».**

Рибъийдан Абу Молик қилган ривоят: **«Бойга енгиллик берар эдим, камбағалга муҳлат берар эдим».**

Рибъийдан Абдулмалик қилган ривоят: **«Бойга муҳлат берар эдим, камбағалдан кечиб юборар эдим».**

Рибъийдан Нуъайм ибн Абу Ҳинд қилган ривоят: **«Бойдан (берганини) олар эдим, камбағалдан кечиб юборар эдим».**

Манба: hadis.islom.uz



HADIS.ISLOM.UZ
NUBUVAT MARVARIDLARI

